

ჰენრი ჰაზლიტი

# ეკონომიკა ერთ გაკვეთილად

საქართველოს უნივერსიტეტის  
გამომცემლობა  
2019

# ჰენრი ჰაზლიტი ეკონომიკა ერთ ბაკვეთილად

სარედაქციო საბჭო:

პაატა შეშელიძე (აკადემიური რედაქტორი), გია ჯანდიერი, გიორგი ჩიქოვანი,  
გიორგი ჩხიკვაძე, კონსტანტინე თოფურია

თარგმნა დიმიტრი გამყრელიძემ

რედაქტორი ელიკო შოშიტაშვილი  
ყდის დიზაინერი მიშა აბესაძე  
დამკაბადონებელი რეზო თხილიშვილი

გამოცემა მომზადებულია ახალი ეკონომიკური სკოლა – საქართველოსა  
და საქართველოს უნივერსიტეტის თანამშრომლობით

საქართველოს უნივერსიტეტის გამომცემლობა  
მერაბ კოსტავას გამზირი, 77ა, თბილისი  
ელფოსტა: info@ug.edu.ge

ISBN 978-99940-50-38-3



## Henry Hezlitt ECONOMICS IN ONE LESSEN

Editorial board:

**Paata Sheshelidze** (academic editor), **Gia Jandieri**, **George Chikovani**, **George Chkhikvadze**, **Konstantine Topuria**

Translated by **Dimitri Gamkrelidze**

Publication prepared in cooperation of New Economic School – Georgia; University of Georgia, Georgia

The University of Georgia Publishing House  
www.ug.edu.ge

## სარჩევი

ახადემიური რელაქტორის შესავალი.....	5
2007 წლის გამოცემის წინასიტყვაობა (უოლტერ ბლოკი).....	9
პირველი გამოცემის წინასიტყვაობა (ჰენრი ჰაზლითი).....	15
<b>უკონომიკა ერთ გაკვეთილად</b> .....	19
<b>ნაწილი პირველი:</b> გაკვეთილი.....	21
თავი I. გაკვეთილი.....	22
<b>ნაწილი მეორე:</b> გაკვეთილის პრაქტიკულად გამოყენება.....	27
თავი II. ჩამსხვრეული ფანჯარა.....	28
თავი III. დაილოცოს ნგრევა.....	30
თავი IV. საზოგადოებრივი სამუშაო ნიშნავს გადასახადებს.....	36
თავი V. გადასახადები აფერხებენ წარმოებას.....	43
თავი VI. კრედიტის გაცემა არღვევს წარმოების სტრუქტურას.....	46
თავი VII. მანქანური წყევლა.....	56
თავი VIII. სამუშაო ადგილების გაზრდის სქემები.....	69

თავი IX. სამხედრო მოსამსახურეებისა და ბიუროკრატების დათხოვნა .....	75
თავი X. სრული დასაქმების ფეტიში .....	79
თავი XI. ვის „იცავენ“ ტარიფები? .....	82
თავი XII. ექსპორტისკენ სწრაფვა.....	94
თავი XIII. „პარიტეტული“ ფასები .....	99
თავი XIV. იქსტრემის გადარჩენა.....	107
თავი XV. როგორ მუშაობს ფასების სისტემა.....	113
თავი XVI. ფასების „სტაბილიზება“ .....	121
თავი XVII. მთავრობის მიერ ფასების დაწესება .....	129
თავი XVIII. მინიმალური ხელფასის ჯანონი .....	140
თავი XIX. პროფკავშირები რეალურად ზრდიან ხელფასებს?.....	146
თავი XX. „საქონლის უკან გამოსყიდვისთვის საკმარისი ფული“.....	160
თავი XXI. მოგების ფუნქცია .....	169
თავი XXII. ინფლაციის ილუზია .....	173
თავი XXIII. თავდასხმა დაზოგვაზე.....	188
<b>ნაწილი მესამე: ახლებურად ჩამოყალიბებული გაკვეთილი .....</b>	<b>205</b>
თავი XXIV. ახლებურად ჩამოყალიბებული გაკვეთილი.....	206

## საღმინური რელაქტორის შესავალი

თუ გგონია, რომ ეკონომიკურ და მით უმეტეს, პოლიტიკურ საკითხებთან ყოველდღიური შეხება არ გაქვს, მინდა დაგაფიქრო:

ერთი მხრივ, როდესაც წყლის დაღვევას, ნათურის ანთებას, ნამცხვრის გამოცხობას ან ტელეფონით დარეკვას გადანყვეტ, შენ გააკეთებ არჩევანს და გამოხატავ მზადყოფნას, რომ შეიძინო წყლის, ელექტროენერჯის, გაზისა და სატელეფონო სასაუბრო დროის გარკვეული რაოდენობა, რომელიც შესაძლო ალტერნატივების გათვალისწინებით, ყველაზე მისაღებია შესაბამის მოთხოვნილებათა დაკმაყოფილების თვალსაზრისით, ხარისხისა და დანახარჯის (დრო, ძალ-ღონე, ფული) გათვალისწინებით. არჩევანის აუცილებლობა ხელმისაწვდომი რესურსების სიმწირიდან გამომდინარეობს. ყველაფერს პატრონი ჰყავს და რაღაც ფასი აქვს, ამიტომ რამე რომ მივიღოთ, რაღაც სამაგიეროდ უნდა დავთმოთ. ასეთია ყოველდღიურობის ეკონომიკა.

მეორე მხრივ, ამა თუ იმ შენაძენის გაკეთებისას გინევეს გარკვეული ფასის გადახდა, რომლის ჩამოყალიბებაზე, პირდაპირ თუ ირიბად გავლენა აქვთ პოლიტიკურ გადანყვეტილებებს, პოლიტიკოსთა და ბიუროკრატთა გემოვნებას, შეხედულებებს, რწმენას, ნიგნიერებას, კეთილსინდისიერებას, მსოფლმხედველობას და ა.შ. მათი დადგენილი კანონები და რეგულაციები შესაძლოა, გზლუ-დავდეს მომწოდებლების არჩევანში და არც ფასებზე, ტექნიკურ მახასიათებლებსა და მომსახურების სხვა პირობებზე მოლაპარაკების საშუალებას გაძლევდეს. შედეგად, არჩევანისა და მოქნილი საბაზრო გარიგებების ნაცვლად, ხელში ხისტი ბიუროკრატიული ბრძანებები შეგრჩეს. ასეთია ყოველდღიურობის პოლიტიკა.

ასე რომ, თუკი ცხოვრების უკეთესობისკენ შეცვლას ფიქრობ, კარგი იქნება გამონახო დრო და ეკონომიკური პოლიტიკის საკითხებში გვარიანად გაერკვე. ამისათვის გთავაზობ, წაიკითხო 1946 წელს გამოცემული ჰენრი ჰაზლითის წინამდებარე „ეკონომიკა ერთ გაკვეთილად“, რადგან მიღებული ცოდნის გამოყენებას მართლაცდა ყოველდღიურად შეძლებ. მით უმეტეს, რომ ნაშრომს ასწლოვანი ინტელექტუალური ფესვები აქვს და უზადო ფრანგი ჟურნალისტის, მენარმისა და პოლიტიკოსის ფრედერიკ ბასტიას (1801-1850) დაკვირვებებში პოულობს საზრდოს. მას შემდეგ, რაც ბასტიას მსგავსად აღწერთ იმას, რაც ჩანს და აღმოაჩენთ იმას, რაც ერთი შეხედვით არ ჩანს, მაგრამ აუცილებელია რომ კარგმა ეკონომისტმა დაინახოს, გამოიკვლიოს და განაზოგადოს.

„ერთი გაკვეთილის“ შემდეგ:

ველარავინ მოგხიბლავთ უფასო სამშობიაროს, ბალის, სკოლის, უნივერსიტეტის, ოჯახის ექიმისა თუ სამედიცინო გამოკვლევების დაპირებებით, რადგან გეცოდინებათ, რომ ყველაფერ ამას გადასახადის გადამხდელისგან აკრეფილი სავალდებულო გადასახადები ანაზღაურებს, რომელთა რიგებში შესაძლოა თავადაც იყოთ. ამასთან, თუ აღნიშნული შემოთავაზებების ხარისხი არ გაკმაყოფილებთ, კიდევ ერთხელ მოგიწევთ გადახდა და პირდაპირ შეძენა, თანაც ამას გადასახადებიდან არავინ დაგიქვითავთ.

ვერც გაზრდილი სახელმწიფო პენსიების დაპირებები შეგიყვანთ შეცდომაში, რადგან დააკვირდებით, რომ ამას ხშირად ფულის მასის გაზრდის, ანუ ფულადი ინფლაციის განხორციელებით ახერხებენ ხოლმე. მაგრამ ბევრი ფული მეყსეულად არ ნიშნავს მისი ერთეულის კიდევ უფრო მაღალ მსყიდველობით უნარს. პენსიების ამგვარი ზრდა შესაძლოა დანაზოგების გაუფასურებით გადაინონოს.

ვერც ჯანმრთელობის სავალდებულო დაზღვევა და საპენსიო დანაზოგი მოგნუსხავთ, რადგან როგორც მინიმუმ, ეგებ საერთოდ არ გჭირდებათ და თუ მაინც დაგჭირდებათ, თავადვე გადანყვეთ, როდის, რამდენი და სად განათავსოთ.

ასევე შენიშნავთ, რომ „მინიმალური ხელფასები“ ლეგალურ უმუშევრობას გაზრდის, რადგან საბაზროზე მაღალი ანაზღაურება სამუშაოს მოთხოვნის მატებას (მეტი მშენებელი) და სამუშაოს მიწოდების შემცირებას იწვევს (ნაკლები მშენებლობა).

აღმოაჩინეთ, რომ პროფესიულ კავშირებს შეუძლიათ დაქირავებულებს შეუმსუბუქონ დამქირავებელთან ურთიერთობების სირთულეები და შეუვსონ ცოდნისა და გამოცდილების დეფიციტი, მაგრამ არა იმის ხარჯზე, რომ ჩამოართვან უფლება, იქონიოს საკუთარი აზრი, იმოქმედოს დამოუკიდებლად და საკუთარი სინდისის კარნახით.

არც ადგილობრივი მენარმეობის ნახალისების ისეთი ხერხები მიგიზიდავთ, როგორცაა სუბსიდირება, იაფი დაკრედიტება ან საბაჟო ტარიფების გაზრდა, რადგან ადვილად მიხვდებით, რომ გარდა კორუფციის მაღალი რისკისა, როგორც მომხმარებელს, ნაკლებად კონკურენტული და ე. ი. შედარებით ძვირი და ხარისხ-ნაკლები ბაზრები შეგრჩება.

არც ის მოგეწონებათ, რომ გზები და ხიდები, ცათამბჯენები და რკინიგზა შენდება არა იქ, სადაც საჭიროა, არამედ იქ, სადაც შეიძლება და ეკონომიკის მამებს უნდათ.

და რაც მნიშვნელოვანია, რომ ადამიანი ქვეყანას აკვირდება არა განყენებული ქონგურიდან ან კოსმოსიდან, არამედ საკუთარი ბანიდან. რომ თითოეულს აქვს პირადი ინტერესები. რომ მას უნდა ჯერ იყოს იგი და მერე — სხვები. რომ ჯერ თავო და თავო და რომ ეს ყველაფერი ბუნებრივი და გასაგებია. რომ ამის შეცვლა კი არა, არამედ ამაზე მორგებაა საჭირო. ერთის ინტერესებს სხვების ინტერესები უნდა აწონასწორებდეს. ამის ერთადერთი გზა კი თავისუფალი ჰორიზონტალური ბაზარი და არა ბიუროკრატიული ვერტიკალური მმართველობაა. შესაბამისად, მოთხოვნილებათა ურთიერთდაკმაყოფილებაზე მიმართული თანამშრომლობა და არა პოლიტიკური ტრიბუნადან „გამონერილი“ რეცეპტები.

თუ ამერიკელი ჟურნალისტის ამ წიგნის რეცენზიებს გადახედავ, ყველგან ამოიკითხავ, რომ ეს არის ერთ-ერთი საუკეთესო

ნაშრომი, რომელიც მკითხველთა ფართო წრისთვის გასაგები ენით ხსნის კავშირებს ეკონომიკასა და საზოგადოებრივ პოლიტიკას შორის. იგი გთავაზობს მარტივ განმარტებას იმისა, თუ რატომ არ მუშაობს ეკონომიკური საქმიანობის რეგულირების სხვადასხვა მცდელობა, ასევე როგორი მოკლე და გრძელვადიანი შედეგები აქვს ამა თუ იმ ეკონომიკურ პოლიტიკას როგორც ცალკეული ჯგუფებისთვის, ისე მთელი საზოგადოებისა და ქვეყნისთვის. ასე რომ, ფანჯრის ჩამსხვრევა ან ურმის გადაბრუნება არ არის აუცილებელი, რომ სალი აზრის გზა დაინახო.

ნუ დაელოდები, გაეცანი და დაისწავლე სულ რაღაც ერთი გაკვეთილი ჰენრი ჰაზლითისგან!

პაატა შიშელიძე

ახალი ეკონომიკური სკოლა —  
საქართველოს პრეზიდენტი



## 2007 წლის გამოცემის წინასიტყვაობა

ამ შესავლის დაწერა ძალიან მსიამოვნებს. თქვენ იცით, როგორ ეუბნებიან ერთმანეთს ზოგჯერ ქალები – „ეს კაბა შენია?“ ჰოდა, ეს წიგნი ჩემია!

ჰენრი ჰაზლითის „ეკონომიკა ერთ გაკვეთილად“ იყო პირველი წიგნი ეკონომიკაში, რომელმაც მართლაც გამიტაცა. მე მქონდა მანამდე რამდენიმე მსგავსი წიგნი წაკითხული, მაგრამ ყველა მოსაწყენი იყო, ძალიან მოსაწყენი. ხომ ვთქვი მოსაწყენი? მათგან განსხვავებით, „ეკონომიკა ერთ გაკვეთილად“ ქეროში მწვდა და ბოლომდე აღარ გამიშვა.

პირველად ეს წიგნი 1963 წელს წავიკითხე. არ ვიცი, რამდენჯერ გადავიკითხე მას შემდეგ. შეიძლება ხუთჯერ-ექვსჯერ მთლიანად და მრავალჯერ ნაწილობრივ, რადგან ყოველთვის ვიყენებ მას უნივერსიტეტში ეკონომიკის კურსის კითხვის დროს.

მე კვლავ და კვლავ მაოცებს მისი სიახლე. მიუხედავად იმისა, რომ პირველად წიგნი 1946 წელს გამოიცა, გარდა რამდენიმე სიტყვისა (მაგალითად, ელენორა რუზველტის ეკონომიკური თეორიების კრიტიკა, რომელზეც უფრო დაწვრილებით ქვემოთ ვისაუბრებთ), გრჩება შთაბეჭდილება, რომ მისი თავების სათაურები გადმოღებულია დღევანდელი გაზეთებიდან. დარწმუნებული ვარ, რომ ეს ასე იქნება შემდეგი სამოცი წლის შემდეგაც, ანუ 2067 წელსაც.

ამ წიგნს კიდევ უამრავი წლის სიცოცხლე უწერია. ავსტრიული ეკონომიკური სკოლის ტრადიციების შესახებ დაწერილი სხვა წიგნებიც კლასიკას მიეკუთვნება და მათაც წაკითხავენ მანამ, სანამ ადამიანი შეინარჩუნებს ინტერესს ამ საგნის მიმართ. ამასთან კავშირში მე მაგონდება, პირველ რიგში, მიზეხის „ადამიანის ქმედება“

და როტბარის „ადამიანი, ეკონომიკა და სახელმწიფო“. მაგრამ ეს წიგნები წარმოადგენს ეპიკურ ტომეულებს, რომლებიც შეიცავენ ასობით გვერდს. ჰენრი ჰაზლითის ეს პატარა წიგნი კი უბრალოდ დამწყებთათვის საგანგებოდ დაწერილ ეკონომიკის შესავალს წარმოადგენს. საინტერესოა, რამდენი საგნის შესავალზე შეიძლება ითქვას, რომ ის კლასიკური ნაშრომია? დარწმუნებული ვარ, ძალზე ცოტაზე, თუ საერთოდ რომელიმეზე.

არაფერი არ სიამოვნებს მასწავლებელს ისე, როგორც ის მომენტი, როცა ხედავს სტუდენტის სახეზე საგნის გაგების ნიშანს. მულტიფილმები ამ მომენტს ელექტრონათურის ანთებით გადმოსცემენ, რომელიც უცებ ჩნდება მაყურებლის თავს ზემოთ. უნდა ვთქვა: მე გაცილებით მეტი „ვაუ“ გავიგონე დამწყები სტუდენტებისგან ამ წიგნის კითხვის დროს, ვიდრე რომელიმე სხვა ნაშრომის გაცნობისას. შესაძლოა, ამ ერთმა წიგნმა თავისუფალი ბაზრისკენ ბევრად მეტი ადამიანი მოაქცია, ვიდრე ყველა დანარჩენმა ერთად აღებულმა.

დიახ, სწორედ ასეა საქმე. ერთადერთი, რასაც ვნანობ, არის ის, რომ ველარასოდეს ნავიკითხავ მას პირველად. სწორედ ამ სიამოვნების გამო მე მშურს თქვენი, ძვირფასო მკითხველო.

ერთი სიტყვა სტილის შესახებ. შინაარსი შინაარსად, მაგრამ იმ ეკონომისტთა რიცხვი, ვისაც მართლა შეუძლია წერა, თითებზე ჩამოსათვლელია. ჰენრი ჰაზლითი უეჭველად მათ რიცხვს მიეკუთვნება. მისი სიტყვათა წყობა გაჯადოებს. მართლაც, ამის გამო ახლა უნდა „გავაკრიტიკო“ ცოტათი ავტორი – მისი სტილი იმდენად დახვეწილია, ზოგჯერ საკუთარ თავის ვიჭერ, რომ მისი ეკონომიკური გზავნილი გამომრჩა.

საკმარისია საუბარი პირადი შთაბეჭდილების შესახებ ამ წიგნთან დაკავშირებით. გადავიდეთ თვით წიგნზე.

არსი ჰენრი ჰაზლითის წიგნისა „ეკონომიკა ერთ გაკვეთილად“ მართლაც გაკვეთილს წარმოადგენს: „ეკონომიკის ხელოვნება მდგომარეობს მოცემული ქმედების ან პოლიტიკის არა უშუალო, არამედ გრძელვადიანი შედეგების დანახვაში; იგი მდგომარეობს